

Молитва о восстановлении мира

Владыко Многомилостиве Господи, Иисусе Христе, Боже наш, молитвами Всепречистой Владычицы нашея Богородицы и Приснодевы Марии, святых равноапостольных великого князя Владимира и великия княгини Ольги, святых Новомучеников и исповедников Церкви нашея, преподобных и богоносных отец наших Антония и Феодосия, Киево-Печерских чудотворцев, Сергия, игумена Радонежского, Иова Почаевского, Серафима Саровского и всех святых, благоприятну сотвори молитву нашу о Церкви и о всех людех Твоих. От единыя купели Крещения, еже при святем князе Владимире, мы, чада Твои, благодать восприяхом, – дух братолюбия и мира в сердцах наших навеки утверди! Иноплеменным же языком, брани хотящим и на Святую Русь ополчающимся, – запрети и замыслы их ниспровергни. Благодатию Твоею власть предержавших ко всякому благу настави, воинов – в заповедях Твоих утверди, лишенная крова – в дома введи, голодные – напитаи, недугующая и страждущая – укрепи и исцели, в смятении и печали сущим – надежду благодать и утешение подаждь, на брани убиенным – прощение грехов и блаженное упокоение сотвори.

Глас 8-й

Песнь 1

Ирмос : Вóду прошéд яко сýшу, и егíпетскаго зла избежáв, израильтянин вопиáше: Избáвителью и Бóгу нáшему пойм.

Припев: Пресвятáя Богорóдице, спаси нас.

Мно́гими содержи́мь напа́стьми, к Тебе́ прибега́ю, спасе́ния искый: о, Ма́ти Сло́ва и Де́во, от тяжких и лю́тых мя спаси́.

Пресвятáя Богорóдице, спаси́ нас.

Страсте́й мя смущáют прило́зи, мно́гаго уны́ния испо́лнити мою́ дýшу; умири́, Отрокови́це, тишино́ю Сы́на и Бóга Твоего́, Всенепоро́чная.

Слава: Спа́са ро́ждшую Тя и Бóга, молю́, Де́во, избе́житися ми лю́тых: к Тебе́ бо ны́не прибега́я, протира́ю и дýшу и помышле́ние.

И ныне: Неду́гующа те́лом и душе́ю, посеще́ния Божество́ннаго и промысле́ния от Тебе́ сподо́би, еди́на Богома́ти, яко Благо́я, Благо́го же Родите́льница.

Песнь 3

Ирмос: Небе́снаго кру́га Верхотво́рче Го́споди, и Це́ркве Зиждителю, Ты мене́ утверди́ в любви́ Твое́й, желáний кра́ю, ве́рных утвержде́ние, еди́не Человеколю́бче.

Пресвятáя Богорóдице, спаси́ нас.

Предста́тельство и покрóв жи́зни моея́ полага́ю Тя, Богороди́тельнице Де́во: Ты мя окорми́ ко приста́нищу Твоему́, благо́х ви́новна, ве́рных утвержде́ние, еди́на Всепе́тая.

Пресвятáя Богорóдице, спаси́ нас.

Молю́, Де́во, душе́вное смуще́ние и печа́ли моея́ бу́рю разори́ти: Ты бо, Богоневе́стная, нача́льника тишины́ Христа́ родила́ еси́, еди́на Пречи́стая.

Слава: Благоде́теля ро́ждши до́брых ви́новнаго, благодея́ния богáтство всем источи́, вся бо мо́жеша, яко си́льнаго в кре́пости Христа́ ро́ждши, Богоблаже́нная.

И ныне: Лю́тыми недúги и болéзненными страсте́ми истязáему, Де́во, Ты ми помоги́: исцеле́ний бо неоску́дное Тя зна́ю сокрови́ще, Пренепоро́чная, неизживáемое.

Спаси́ от бед рабы́ Твоя́, Богорóдице, яко вси по Бóзе к Тебе́ прибега́ем, яко неруши́мей стене́ и предста́тельству.

При́зри благосе́рдием, всепе́тая Богорóдице, на мое́ лю́тое телесе́ озлобле́ние, и исцели́ души́ моея́ болéзнь.

Тропарь, глас 2-й

Моле́ние те́плое и стена́ необори́мая, ми́лости исто́чнице, ми́рови прибе́жище, приле́жно вопие́м Ти: Богорóдице Влады́чице, предвари́, и от бед избе́ви нас, еди́на вско́ре предста́тельствующая.

Песнь 4

Ирмос: Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твое́ Божество́.

Пресвятáя Богорóдице, спаси́ нас.

Страстѣй моѣх смущѣние, кормчию рождшая Господа, и бурю утиши моѣх прегрешѣний, Богоневѣстная.

Пресвятая Богородице, спаси нас.

Милосердия Твоего бездну призывающую подаждь ми, Яже Благосердаго рождшая и Спаса всех поющих Тя.

Пресвятая Богородице, спаси нас.

Наслаждающаяся, Пречистая, Твоих дарований, благодарственное воспеваем пение, ведуще Тя Богоматерь.

Слава: На одре болезни моея и немощи низлежащу ми, яко Боголюбива, помози, Богородице, едина Приснодево.

И ныне: Надежду и утверждение и спасения стѣну недвижиму имуще Тя, Всепетая, неудобства всякаго избавляемся.

Песнь 5

Ирмос: Просвети нас повелѣнии Твоими, Господи, и мѣщцею Твоею высокою Твой мир подаждь нам, Человеколюбце.

Пресвятая Богородице, спаси нас.

Исполни, Чистая, веселия сердце мое, Твою нетленную даючи радость, веселия рождшая виновнаго.

Пресвятая Богородице, спаси нас.

Избави нас от бед, Богородице Чистая, вѣчное рождши избавление, и мир, всяк ум преимуший.

Слава: Разреши мглу прегрешѣний моѣх, Богоневѣсто, просвещением Твоея свѣтлости, Свет рождшая Божественный и превѣчный.

И ныне: Исцели, Чистая, души моея немощение, посещения Твоего сподобльшая, и здравие молитвами Твоими подаждь ми.

Песнь 6

Ирмос: Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли, Боже, возведи мя.

Пресвятая Богородице, спаси нас.

Смерти и тли яко спасл есть, Сам Ся издав смерти, тлѣнием и смертию мое естество ято бывшее, Дево, моли Господа и Сына Твоего, врагов злодействия мя избавити.

Пресвятая Богородице, спаси нас.

Предстательницу Тя животу вем и Хранительницу тверду, Дево, и напастей решащу молвы, и налоги бесов отгоняющую; и молюся всегда, от тли страстѣй моѣх избавити мя.

Слава: Яко стѣну прибежища стяжахом, и душ всесовершенное спасение, и пространство в скорбех, Отроковице, и просвещением Твоим присно радуемся: о, Владычице, и ныне нас от страстѣй и бед спаси.

И ныне: На одре ныне немощствуяй лежу, и несть исцеления плоти моей: но, Бога и Спаса миру и Избавителя недугов рождшая, Тебе молюся, Благой: от тли недуг возстави мя.

Кондак, глас 6-й

Предстательство христиан непостыдное, ходатайство ко Творцу непреложное, не презри грѣшных молѣний гласы, но предвари, яко Благая, на помощь нас, верно зовущих Ти; ускори на молитву, и пощися на умоление, предстательствующи присно, Богородице, чтущих Тя.

Другой кондак, глас тот же

Не имамы инья помощи, не имамы инья надежды, разве Тебе, Пречистая Дево. Ты нам помози, на Тебе надеемся, и Тобою хвалимся, Твой бо есмь рабы, да не постыдимся.

Стихира, глас тот же

Не ввери мя человеческому предстательству, Пресвятая Владычице, но прими молѣние раба Твоего: скорбь бо обдержит мя, терпети не могу демонскаго стреляния, покрова не имам, ниже где прибегну окаянный, всегда побеждаемь, и утешения не имам, разве Тебе, Владычице мира, упование и предстательство верных, не презри молѣние мое, полезно сотвори.

Песнь 7

Ирмос: От Иудеи дошедше отроцы, в Вавилоне иногда, верою Троическою пламень пещный попраша, поюще: отец Боже, благословен еси.

Пресвятая Богородице, спаси нас.

Наше спасение Якоже восхотел еси, Спасе, устроить, во утробу Девыя вселился еси, юже миру Предстательницу показал еси: отец наших Боже, благословен еси.

Пресвятая Богородице, спаси нас.

Воителя милости, Егоже родила еси, Мати чистая, умоли избавитися от прегрешений и душевных скверн верою зовущим: отец наших Боже, благословен еси.

Слава: Сокровище спасения и Источник нетления, Ты рождшую, и столп утверждения, и дверь покаяния, зовущим показал еси: отец наших Боже, благословен еси.

И ныне: Телесныя слабости и душевныя недуги, Богородительнице, любовьию приступающих к крову Твоему, Дево, исцелити сподоби, Спаса Христа нам рождшая.

Песнь 8

Ирмос: Царя Небеснаго, Егоже поют вси ангельстии, хвалите и превозносите во вся веки. Пресвятая Богородице, спаси нас.

Помощи яже от Тебе требующий не презри, Дево, поющия и превозносящия Тя во веки.

Пресвятая Богородице, спаси нас.

Неможение души моея исцеляеши и телесныя болезни, Дево, да Тя прославлю, Чистая, во веки.

Слава: Исцелений богатство изливаеши верно поющим Тя, Дево, и превозносящим неизреченное Твое рождество.

И ныне: Напастей Ты прилоги отгоняеши и страстей находы, Дево: темже Тя поем во вся веки.

Песнь 9

Ирмос: Воистинну Богородицу Тя исповедуем, спасеннии Тобою, Дево Чистая, с безплотными лики Тя величающе.

Пресвятая Богородице, спаси нас.

Тока слез моих не отвратися, Яже от всякаго лица всяку слезу, отъемшаго, Дево, Христа рождшая.

Пресвятая Богородице, спаси нас.

Радости мое сердце исполни, Дево, Яже радости приемшая исполнение, греховную печаль потребляющи.

Пресвятая Богородице, спаси нас.

Пристанище и предстательство к Тебе прибегающих буди, Дево, и стена нерушимая, прибежище же и покров и веселие.

Слава: Света Твоего зарями просвети, Дево, мрак неведения отгоняющи, благоверно Богородицу Тя исповедающих.

И ныне: На месте озлобления немощи смирившагося, Дево, исцели, из нездравия во здравие претворяющи.

Стихиры, глас 2-й

Высшую небес и чистшую светлостей солнечных, избавльшую нас от клятвы, Владычицу мира песнями почтим.

От многих моих грехов немощствует тело, немощствует и душа моя; к Тебе прибегаю, Благодатней, надеждо ненадежных, Ты ми помози.

Владычице и Мати Избавителя, прими моление недостойных раб Твоих, да ходатайствуеши к Рождшемуся от Тебе; о, Владычице мира, буди Ходатаица!

Пою тебе прилежно Тебе песнь ныне, Всепетой Богородице, радостно: со Предтечею и всеми святыми моли, Богородице, еже ущедрити ны.

Вся Ангелов воинства, Предтече Господень, апостолов двенадцатице, святии вси с Богородицею, сотворите молитву, во еже спастися нам.

Молитвы ко Пресвятой Богородице

Царице моя преблагая, надеждо моя Богородице, приятелище сирых и странных Предстательнице, скорбящих радости, обидимых Покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам инья помощи разве Тебе, ни инья Предстательницы, ни Благия Утешительницы, токмо Тебе, о Богомати, яко да сохраниши мя и покрыеши во веки веков. Аминь.

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и воздыхание мое примет, аще не Ты, Пренепорочная, надеждо христиан и прибежище нам грешным? Кто паче Тебе в напастех защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене,

требующаго Твоея помощи, и не отрини мене грешнаго. Вразуми и научи мя, Царице Небесная; не отступи от мене раба Твоего, Владычице, за роптание мое, но буди мне Мати и Заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окривляемъ? О, Владычице Царице Небесная! Ты мне упование и прибежище, покров и заступление и помощь. Царице моя Преблагая и скорая Заступнице! Покрый Твоим ходатайством моя прегрешения, защити мене от враг видимых и невидимых; умягчи сердца злых человек, возстающих на мя. О, Мати Господа моего Творца! Ты еси корень девства и неувядаемый цвет чистоты. О, Богородительнице! Ты подаждь ми помощь немощствующему плотскими страстьми и болѣзнующему сердцем, единому бо Твоему и с Тобю Твоего Сына и Бога нашего имам заступление; и Твоим пречудным заступлением да избавлюся от всякия беды и напасти, о Пренепорочная и Преславная Божия Мати Марие. Темже со упованием глаголю и вопию: радуйся, благодатная, радуйся, обрадованная; радуйся, преблагословенная, Господь с Тобю.

